

常德府志卷四十七

傳第十二

列傳

列女 龍陽

國朝 賢婦

劉氏宋應試妻年三十二而寡撫二子尋故繼撫二孫俱列
成均邑石板灘會大溪衆流往來病涉氏創建石橋費千
餘金橋前大路濱河窄而險捐田數畝培成孔道且障水
護田隣里沾利
李氏梅國樞妻儉約自持於里黨貧乏好爲矜恤所求必應
子若孫成諸生者十餘輩有領鄉薦者

常德府志

卷四十七 列女烈婦

一

毛氏楊子雅妻壽百歲子七人曾元孫一百八人五世一堂
男婦二百餘口游庠者三人初雅與伯父兩子分產三分
而取一其二分且屬膏腴子雅俱以屬伯氏絕無異辭人
咸稱其能讓

蔡氏庠生陳士蘊妻蘊有志操生四子朝夕課讀蔡紡績以
資膏火蘊中歿蔡優禮延師成夫舊願子以疇以常以職
俱成名有聲

曾氏鄧自生妻自生欲修邑洗馬橋尋故氏費數百金修之

明 烈婦

周氏劉鴻恩妻素有清操爲獻賊所掠氏抗罵不污賊殺之

碎其尸

縣志

劉氏伍鎮東妻東爲諸生早世氏年二十四遺孤甫一歲有求娶者引刀自殺鄰婦救免茹荼鞠子遊泮按院史獎其

烈

通志

伍氏楊世美妻年二十一夫卒父母勸之他適氏矢志撫孤逾年孤殤遂不食死

縣志

王氏周德麟妻癸未冬獻賊殺擄勢急王謂夫曰妾惟一死以報君遇賊邑東女兒橋率其婢蘭花赴水死

縣志

國朝

烈婦

陳氏許孔暘妻年二十一夫卒無子陳呼號徹晝夜不食死

常德府志

卷四十七

列女烈歸

二

族人憐之合葬城東

舊志

鄧氏彭國儀妻年十七歸儀甫周歲病劇語氏曰我死汝無子可守宜他適氏泣曰夫死我亦死耳儀曰汝卽死吾不及見何自苦氏痛夫之言是夕遂自經

通志

謝氏許兆鳳妻年十八歸許越一載夫故遺一子尋夭奉姑孝數載姑沒母憐其孤貧令改適謝哭奔夫墓自縊

李氏童成功妻名世貞幼聰教以聲律解吟咏年十九歸童無出越四年夫故幾以身殉爲夫繼嗣未幾子又夭李縊死葬離夫墓尺許開壙夫塚忽裂遂合葬焉

陳氏毛學讓妻年二十二夫卒無子家窘甚自食糠粃勤紡

績以甘旨奉翁姑鄰里憐其寒苦遺以財帛輒不受翁□
歿鬻宅典衣以葬自經死

明節婦

孫氏史源濟妻年二十五而寡誓死守節宣德中旌志統

梅氏伍景妻年十八適景明年景卒不踰年舅姑繼逝父憐

其少且貧欲改嫁之氏截髮明志紡績自給成化間旌志統

史氏袁奎妻年二十三守節貧甚紡績奉姑撫子成立成化

中旌志統

康氏庠生熊富秋妻年二十富秋卒氏矢志奉姑撫子成立

隆慶間旌志通

常德府志

卷四十七 列女節婦

三

蔡氏張懋勛妻年二十二寡遺腹生女矢志不再適女將笄

以諸生顧汝學爲贅婿未幾婿與女俱歿依外孫終老事

聞旌志通

鍾氏史廷佐妾年二十孀居與嫡楊氏教長孫與祿成名萬

歷辛亥與祿疏上其事旌志通

王氏曾義妻年十九義卒撫遺腹子厲節養姑以孝聞隆慶

二年旌志統

雙氏彭潢妻年二十一守志貧不改操孫序成諸生列□□

請旌曾孫之鳳仕至光祿少卿表鯨有記志通

周氏庠生馬希文妻年二十寡□□月遺孤之馴食□□□

之馴又故同媳胡氏以雙節稱卒年六十一志通

唐氏史贊舜妾年二十一婺居規範最嚴雖兵火播遷造□

顛沛不妄與男子通一語年踰八十志通

王氏劉鴻統妻年十八夫故撫孤震乾家貧守節四十年崇

正間巡按劉獎其門志縣

胡氏庠生馬之訓妻年二十四寡撫孫如龍明末兵變毀容

奉孀姑周氏卒獲保全姑年六十一終氏以守喪過哀而

殞志通

國朝

柏氏胡忠采妻年二十一夫故遺子一甫周同孀姑張氏矢

常德府志

卷四十七列女節婦

四

守卒年六十有七有司額其門曰貞壽志通

周氏童養聰妻年十九守節教子逢運入庠年六十餘卒志縣

王氏劉侃遠妻夫卒年二十四日不再食身無完衣苦節五

十餘年志統

楊氏庠生張聖聽妻年二十二寡撫孤煊斗每課讀徹晝夜

翁姑生忌辰必泣薦之年六十七終志舊

趙氏彭之虬妻年二十六虬擄於兵氏事姑孝終始□□教

子士翼補郡庠旋食餼年六十一卒志舊

劉氏許翌邦妻年二十二守節枕刀自誓遞經□□不□□

年八十七志舊

童氏葉逢茂妻年二十五夫死矢志節乾隆元年旌通志

曾氏劉延妻年十九寡無子女田產誓死以養姑姑卒曾亦

死統志

許氏馮兆鵬妻夫沒遺二子尙在乳哺翁姑慮貧欲再嫁氏

斷髮泣拒翁姑沒典屋營葬未幾長子鎮夫婦相繼卒許

復撫孫有志成立乾隆二十年巡撫楊獎之通志

李氏史崑山妻年二十二夫故長子二歲次子僅三月李守

貧矢志脫簪珥以養翁姑而自食藜藿撫二子成立苦節

五十年乾隆二十年巡撫楊獎之通志

劉氏庠生張輝斗妻夫沒孤紋方穉遺腹生子素時氏年二

常德府志

卷四十七 列女節婦

五

十四值滇寇至城中居民皆走匿氏以姑老攜兩弱息相

依不去卒免於難年六十兩孤請爲劉壽氏猶以未亡人

泣却之舊志

王氏張紋妻夫沒無子氏年二十六撫姪大倫爲嗣事孀姑

必竭其力立志守節延師訓子採藜藿勤紡績以資膏火

課大倫成諸生舊志

成氏馮開運妻年二十三守節撫子兆先兆祥年六十餘舊志

唐氏生員彭光炳妻炳病唐割股和藥不起哀毀瀕死者再

撫三子成立明述邑庠生乾隆二十一年 旌通志

劉氏彭瑄妻年二十六生子德竣甫六口夫故矢志口守踰

年翁復故鬻產勸事父憐其窘勸之再嫁氏不從茹苦食

荼教子業儒成諸生乾隆三十八年 旌

彭氏生員羅洪開妻生三子年二十六夫故彭事姑盡心奉
養治喪如禮長孫魁領武鄉薦壽八十以孫貴膺 封

張氏章世德妻年二十七夫死遺二子守節翁老且病時值
炎夏張扇枕百餘日達旦不休翁感其孝臨沒以目屬氏
泣數行下聞者嘆服年六十卒

余氏宋應遠妻年二十遺腹一子守節父母憐其少且貧勸
令他適氏遂不歸寧苦節五十五年

陳氏庠生彭遂宣妻年十六適彭二年而寡家貧無子翁姑

常德府志

卷四十七

列女節婦

六

令改適不從撫族子娶媳薛氏生一孫未三年亦寡姑媳
相依守節

梅氏李愛周妻幼隨父讀書能詩年二十五夫亡撫子課讀
教孫本西成名氏年七十七

鄔氏王維壟妻維壟少聰慧能文早世氏年二十三遺二子
父欲其再醮氏泣曰翁姑年老不忍他適年五十九

李氏鍾顯德妻年二十一夫死守義教子清秀成諸生乾隆
四十三年有里人因年荒鬻妻李聞將已出典錢給止之
年八十

曾氏歐尙智妻幼隨父僑居星沙時年十八贅智甫月餘智

故父憐其少留之曾泣曰守義豈可於父母之門扶櫬歸
遺腹生子學孟教讀成立氏年六十一

戴氏童廉盛妻生子尙繼甫三月夫故時年十九翁姑憫其
少寡屢勸改適氏誓死無異志年六十卒

鄭氏賈國衍妻衍死鄭年十九遺腹一子守節三十年姑亦
孀居朝夕左右卒之日屬子敬事祖母

曾氏伍德湜妻年十九夫故無子以姪桂馨爲子食貧教讀
孫曾俱列邑庠年八十八

朱氏劉先黃妻年十六生子八月而寡後舉孫三曾孫九元
孫五目覩五世年八十六

常德府志

卷四十七

列女節婦

七

何氏蔡琮妻夫死遺孤吉達時年二十二伯氏欲奪其志何
剪髮拒之年七十四終

陳氏李如櫛妻年二十夫故僅一女一日翁失足溺水幾□
陳從救之乃免姑病割股愈之翁姑俱享長年氏年八十
餘

全氏庠生高承珂妻嫻內則精女工年二十夫死無子立嗣
撫養有勸改適者輒咬指瀝血以誓聞者惻然

王氏庠生蔡家基妻母家素富氏甘淡泊年二十二夫死生
子大寅甫二歲教之成立舉二孫大寅尋天媳張氏亦少
年矢志未幾與長孫相繼故孫媳趙氏年二十五守志一

門三節皆王倡之年八十餘

楊氏廖必惠妻年二十而寡僅一女繼子定經教讀完娶舉
孫未幾經故孫亦繼歿瑩瑩白髮孤苦無怨言

徐氏熊大春妻年十九夫故遺孤次孟甫五月徐矢志苦守
撫之成立奉翁姑極孝歷四十餘年不渝

蕭氏陳嘉浩妻年十九歸陳甫二月浩死無出舅姑憫其年
少令改適輒泣拒之閱二十餘年苦節彌貞

劉氏蔡清世妻年二十四夫亡撫一子伯氏欲奪其志劉剪
髮盟心勤儉自守孫列膠庠氏年七十餘

蔡氏陳虞璣妻年二十生子甫週歲璣故撫子完姻舉孫子

常德府志

卷四十七

列女節婦

八

尋故蔡復撫之媳史氏亦守志

周氏彭元和妻年十九夫故遺孤未踰歲越二年大旱荼蓼
自茹撫子完娶生孫越一載子又故周撫兩世辛劬倍至
章氏張文錦妻年二十夫故子未週歲章撫摩長育奉翁姑
調膳必親始終不懈守節四十年

尙氏陳尙胡妻方未歸時胡素多疾其父欲悔盟女謂曰
姻緣有命背盟不義願適陳以□命婚六月瑚故遺□一
女氏矢節不變

王氏周黃妻年二十二適周甫十月黃故遺腹生子有義□
諸生娶媳舉孫未幾子若媳相繼故王復撫幼孫□

聶氏曾大韜妻年三十無子勸夫娶妾劉氏生子甫八月口
故劉亦故聶撫孤成立憫姪貧兼撫教完娶割己田與之
陳氏庠生袁宗誠妻生三子年二十六夫故翁明紀倡修夾
堤橋未竣亦故陳與姑曾氏續成翁志節義兩著
高氏楊如植妻年二十一生子連甫週歲植故高撫養教讀
不稍姑息年七十有二
楊氏曹如古妻年十八歸曹相敬如賓尤篤事翁越三載夫
故無子幾以死殉後倚兩姪以終
陳氏呂德振妻年二十一生子光大口月餘口亡陳撫遺穉
祇事繼姑無二志

常德府志

卷四十七

列女節婦

九

馬氏童心炳妻治家有法門內肅然夫死茹蘖飲水子悟盛
以選貢任安鄉教諭氏年六十餘膺封
金氏蘭紹訓妻歸甫三月夫故截髮毀容以伯子爲己子堅
貞苦守時年二十一歷節四十餘年
周氏鄧大固妻年二十一夫故無子繼叔子永思爲嗣娶媳
生孫永思故周復撫孫以苦節聞
曠氏廖沂妻年二十五寡遺二子必楷必模娣歐陽氏年十
九亦寡遺腹五月生子必馨姆孀同孀守年七十餘
羅氏庠生曾以恒繼室年二十適恒逾年恒故撫夫前妻子
炳文如己出延師教讀成諸生

毛氏黃世□妻生一子緒故撫夫姪尙岱娶媳牟氏年十八
岱故遺腹生子以雙節稱

熊氏杜黃載妻年十九歸杜明年夫故無子甘貧守志立姪
爲嗣年八十四

聶氏陳德隆妻年十九生子元甫兩月夫故時舅年八十氏
撫孤奉翁備極勤苦

歐氏廖廷豸妻豸卒遺一子淳氏年二十二苦志教讀期振
先緒越二十七年母子繼亡

廖氏曾世澤妻年二十澤死遺腹生子以釗教讀成名姑死
事翁愈□年六十四

常德府志

卷四十七

列女節婦

十

王氏劉先□妻年二十而寡撫子毓驥苦志教讀連舉五孫
氏年五十八

王氏庠生熊來黃之母夫死年二十艱辛撫子年八十四

唐氏庠生陳盛昌妻年二十六夫死教子德沛食餼年六十四

王氏李正柏妻年二十五生一子夫死王以死殉絕而復甦
祖遺田產甚薄子有美又善病王紡績撫養壽七十一終

孫賜璋補邑庠

馮氏許國珍妻生子家駒甫三月夫故馮年二十六奉翁姑
及祖翁姑備極懃懇值歲饑饉疊遭喪葬俱如禮撫子成
立年八十六終

劉氏秦□妻年二十五寡撫一子尋故旋撫孫教讀成立奉九十老翁生事死葬如禮劉年九十終

孫氏陰絞妻年二十二寡家貧子幼湖田數畝遞年無收孫採撫菱芡雜粗糲自甘歷四十餘年

諶氏蕭國尙妻年二十五生二子苦守姑欲奪其志諶誓死不改姑亦感悟慈孝交至

丁氏徐倫妻年二十一夫故家貧丁水心永矢撫孤耕讀克成家業

熊氏黃尙琇妻年二十九撫一子守節姑勸他適熊飲食俱廢痛哭不止姑感其誠始無異辭

常德府志

卷四十七

列女節婦

十一

曾氏史載武妻年二十二夫死遺一子翁姑早逝以死自誓撫孤承嗣無替厥緒

劉氏宋國獻妻年二十二寡撫孤十歲孤殤劉以寡姑奉養無依立嗣守節事姑克孝

周氏楊承緒妻年十八生子先文逾年又生一女夫死姑老家貧孀居四十餘載

彭氏帥之謨妻年十九生子正朝氏守節孝養雙親撫子成立久而不衰

劉氏彭文聘妻年二十七寡撫孤遠謨完娶甫期年謨又逝遺腹生孫兩世一綫賴以不絕

雷氏吳英尙妻年二十五寡遺子宏沛甫二齡事姑生養死
葬皆盡禮撫孤成立卒年七十一知縣葉元祺李逢雍俱
額獎

何氏蕭增渭妻年二十七夫死遺二子清貧苦守撫子成立
教授蔡璨題其門

向氏金甲榜妻年二十二寡上無翁姑下無子女依父母家
守節七十年

雷氏呂光曙光昇母年二十六夫死遺田二畝紡績度日曙
娶媳雷氏甫二載曙死遺腹生一孫未幾媳暨仲子相繼
死雷撫孫成立年五十餘終

常德府志

卷四十七

列女節婦

十二

丁氏席忠妻年二十三而寡撫一子國柱媳張氏年二十一
生一子張又寡兩世撫孤丁年六十三終

張氏高承圍妻生子正柱甫二載圍故張年二十五矢志守
節勗子讀書尤好施與遇困乏不時周濟壽八十餘無病
而終

廖氏蕭明惠妻氏年二十六翁姑與夫相繼棄世無子苦守
族不爲立嗣撫楊姓子世泰完娶成家歷三十餘年卒

周氏馮有珍妻年十九歸馮明年珍故遺子貽謨苦守紡績
營生克敬事姑

彭氏吳宏誥妻年二十七撫一子開大苦守見四世孫

雷氏庠生廖曙妻性至孝姑熊氏病篤醫治莫效雷割股愈
之生三子次子必恭娶媳楊氏甫八月必恭死遺腹生孫
楊繼守之姑婦皆年八十餘

彭氏高承洛妻有孝行姑病臥經年屢藥罔效彭割股煎湯
愈之時盛暑血痕立愈鄉鄰以爲孝感子蘭英廩生上孝婦

袁貞女武陵人幼字彭大闡年二十未嫁大闡故袁奔喪衰
麻不去身月餘父母別納媒言女聞遂自經死合葬大闡

墓通志

馬貞女母早喪初字全姓未婚改字他姓遂成訟官將提訊
女曰一辱再聘再辱公庭其何以堪惟有一死以全吾身

常德府志

卷四十七

列女節婦

十三

遂自經

鄧貞女幼許字沈姓將笄沈故父欲別字女堅不從依母貞
守父給以田產以一孫事之年六十五卒

劉貞女幼許字史宏行八歲嫻養史宅行年十二隨人往川
越數載翁尋子同沒於川劉聞哭奠誓死守貞行兄宏璞
死妻李氏因年荒再醮遺一子劉獨撫之成立年四十族
人額曰猶是女兒

高貞女高士蓮汝幼許字李彌長將嫁彌長往川莫知定所
年三十父母翁姑皆欲改字女拒不從依母以終上貞女

趙氏孝英楊瑞側室能詩著有春園小草梅花閣詩抄瑞沒

編錄其遺藁若干卷藏於家

閩秀

熊氏史自新母壽百有八歲乾隆二十五年 旌

杜氏馬瑄母壽百有三歲乾隆五十年 旌

陳氏貢生胡然定妻庠生穆灝母秉性貞靜年百有三歲雍正九年知縣譚額獎

丁氏李子太妻壽百有二歲生四生子親見六世

劉氏戴登雲妻壽九十四教子崇節儉敦禮讓每有義舉不惜捐貲長子婦曾氏壽百歲親見五世

張氏庠生鄧瑾母劉氏監生楊之行妻皆年九十餘五世同堂

常德府志

卷四十七

列女節婦

十四

沈氏蕭世慎妻劉氏袁讀妻沈年三十守節撫孤三世年九十餘劉年三十一守志撫子若孤五世同堂皆節壽兩著
廖氏庠生蔡振世妻王氏鄧之鶴妻皆夫早逝撫子課讀有成廖讀書曉文義壽九十六王壽八十八

劉氏何諦簡妻子正時正樂正笏俱諸生氏年九十子將稱慶止之命建益龍橋

上壽婦

王氏湯展彩妻善承夫志好施與五世同堂年九十六孫承妻劉氏年二十五連承故撫遺孤事翁姑暨祖姑以孝稱現年五十九

伍氏龍陽諸生周之梅妻之梅賚志早卒親老子幼家室多

故又歲比不登氏艱苦備嘗克盡孝慈每夕紡緝之□□
□□相誼午夜歷延名宿曲盡禮意子朝階冠南皆成□